



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბაია



ბაია

ბაია (*Ranunculus*), ყვავილოვან მცენარეთა გვარი ბაიასებრთა ოჯახისა.

ერთ. ან მრავალწლოვანი ბალახებია. 600-მდე სახეობა ძირითადად გავრცელებულია ჩრდ. ნახევარსფეროში, ტროპიკებში კი – მთებში. საქართველოში ბ-ს 50-მდე სახეობა იზრდება, მათგან 11 საქართვე. ენდემია, 9 კი – კავკასიისა; გავრცელებულია დაბლობიდან მაღალმთამდე. სახეობათა უმრავლესობა სუბალპ. და ალპ. მდელოებზე იზრდება, მცირე რაოდენობით გვხვდება ტყეში, ბუჩქნარსა და ველობზე, თითო-ორთა სახეობა (*R. oxyspermus*, *R. meridionalis*) – ნახევრად უდაბნოსა და ველზე. ბევრი მათგანი შხამიანია (*R. sceleratus* და სხვ.); შეიცავს ანემონოლს, რ-იც საქონელს წამლავს, თივა კი უვნებელია. ბ-ების დიდი ნაწილი სარეველაა (მაგ., ყანის ბ. – *R. arvensis*), ზოგი მეტ-ნაკლებად დეკორატიულია.

მ. სახოკია